

莊子屬齋口義棧航



□ 13
1606
1



莊子庸齋口義棧航
首

仁13

1606

屬附
館

寄第一

經書

第

321

第

11

出帶許不外館書此

仁10
1606
11


莊子口義棧航序

古曰不用鄉導者不能得地利然
山之險雖有鄉導無棧則不能躋
焉海之濶雖有鄉導無航則不能
濟焉譬諸讀書則猶本文有註解
註解有來歷乎六經最尊姑束閣
之其不經而為百家之冠者莊周
之書也其文或與左氏併稱或與



萬世正堂
至正周善堂

山



屈騷並言之典午以來註周之書者數十家郭象特著然有日月隱霧露之難有未足盡實處之評逮趙宋南渡林希逸口義出焉超越諸家流行于世蓋其霧露乍開日月發光乎於是其得彼實處乎

本朝承和馭寓詔澄博士講莊子向南華之明於涼殿飛北溟之魚於

禁池爾來擬姑射之山於脫屣寄無何之鄉於退身授泝澣之手於風寒假噫氣之力於琴聲譬落葉之輕於籬鷓觀浮生之短於朝菌託八千靈椿於慶賀述百年夢蝶於賦詠加旃有逐虛舟於浪花者有名散木於家集者宰輔齡老成華封人之祝才女筆健寓光源氏

之言皆本於此其餘槩人詞客着
心用字舐其殘涎者不爲不多也
曾聞耕雲叟明魏講莊子想其生
於南北分爭之世而有感於蝸角
之蠻觸乎果其尋隱放之跡而得
逍遙之樂乎龍阜僧得巖就明魏
問郭註既而得希逸口義佔畢之
自是以降郭註廢而口義行矣然

未聞披霧露見日月也原夫周之
文字奇崛如山浩渺如海希逸其
得地利之鄉導者也然渠博識多
聞引用經史子集及道釋禪話以
解說之故禪徒不遍經史之事儒
家不達空玄之言是以其來歷不
能悉知之猶得鄉導而無棧航乎
我先人羅山翁講經之暇繙南華

口義粗記其出處於鼈頭百數十
件未畢而罷矣老友卜幽軒野氏
好學四十餘年既踰耆齡校書無
倦凡經傳註解尋其出處窮其研
覃且校閱莊子口義年久抄出其
來歷往歲嘗謁羅山問其所未得
翁竒之出家藏鼈頭本示之有所
告諭有所開發野氏大悅一夕携

其二姪彼此相考補寫之堅屢折
燭既跋夜闌更僕下筆不休余亦
在側感其精勤比年再校有復得
之者而列舉其未得者作條目以
請讀耕子叩之往往有所應則加
筆以增之頃間脫其藁以淨書焉
其爲書也大書本文而低書口義
而分註其來歷甚便於觀覽也乃

求序於余嗚呼羅山既易簣讀耕
亦下世非余則誰爲之證哉少陵
魯直詩無一言不有來歷註家竭
力標出之知其來歷則其義稍通
近世註莊子者多多皆唯說其本
文有與口義矛盾枝梧者使人迷
其取捨野氏獨不然雖槩見諸註
專以口義爲主欲尋其本源半途

而不廢不虧一簣其成功如此餘
力之務不亦可乎希逸既爲鄉導
則野氏之筆抄其躋山之棧濟海
之航乎吁莊子不經先輩既辨之
然筆端鼓舞之妙韓子猶有取焉
見者其念茲寬文辛丑九月中旬
恒宇林之道甫序



小不羨大，不知此意是為淺見之
人局量狹小，不知世界有大之譬。
莊周夢為胡蝶，象以謂覺夢之分，
無異於死生之變，以為百年即一
夢，不知此意是為蝶之與周夢覺
一如物我兩忘而歸之自然之謂
矣。此外徃徃不合作者，意象也。為
入薄行，有儁才以清言誤王行輩。

其語雖如懸河，而何益之有。雖然
自非象初註之，則玄英不能作疏。
玄英不作疏，則竹溪奈口義何。余
竊比之聖經，而漢儒無傳，則唐人
不能作疏。唐人不能作疏，則宋儒亦
奈理學何。所以讀聖經者，不可以
無註疏於此書亦然也。說者曰：莊
子憤世嫉俗，當戰國之初，有以孔

子之道，銜賣於世者，故非略仁義以放言其實，未嘗詆孔子陽擠而陰助之。不然，則何以謂春秋經世之志乎？東坡譬諸楚公子微服出亡，而門者難之，其僕操箠而罵曰：「隸也不力，門者出之。」此意以爲得之矣。若夫竹溪之於口義，受之樂軒、樂軒受之月魚、月魚受之南夫。

子福、唐郭子長有云：閩自龜山、道南、獨光朝可接羅李之傳。南夫子林光朝也。因是則竹溪之學遠有源委。史臣曰：比之師稿而潤矣。嚴而紆矣。良有以也。嘗作老莊列口義，分其章焉，折其句焉，義精焉，理從焉。猶朱子作學庸章句，有支分節解而四書全備焉。嗚呼！漆園日


月隱於雲霧千有餘年竹溪有斲
鼻之手因運斤之風而雲霧乍披
日月復明而人皆仰之竹溪之功
亦大矣其於口義多引儒佛之書
以釋莊子之意曰其合者如雌雄
二劍之在函焉其協者如鈞天廣
樂之張野焉其謂之歟然其所據
用之故事非管見之所及余搜索

乎其出處有年所矣多方而求之
遂得十之八九也 羅山林先生
本朝今代鴻儒也博洽多識亾慮於
天下書無不該貫焉余從學久矣
因問口義之來歷則猶筵之撞鐘
從叩從響其疑者冰解焉藏者玉
呈焉於是余所願足矣因效四書
大全而分書故事所據於口義下

以闕示於後學焉一日以之示
向陽林君而請序君也者曰羅
山先生之令子也自先生沒文
學逾勉焉家業彌邵少於余若干
年余雖老以為師友焉道之所
有也君也胡蘆而不辭即作序曰
口義之有來歷猶山有棧海有航
焉此語有以契余心者遂號以為

莊子口義棧航云爾

寬文癸卯三月上澣 小野壹



莊子綱領

漢書藝文志曰莊子五十二篇

世說卷五曰初註莊子者數十家莫能究其肯要
外向秀於舊註外為解義妙析奇致大暢玄風惟
秋水至樂二篇未竟而秀卒秀子幼義遂零落
然猶有別本郭象者為人薄行有偽才見秀義
不傳於世遂竊以為己註乃自註秋水至樂二
篇又易馬蹄一篇其餘衆篇或定點文句而已
後秀義別本出故今有向郭二莊其義一也
郭象註齊物論曰世有假寐而夢經百年者則無

以明今之百年非假寐之夢者也死生之變豈
異於此而勞心於其間哉
天台妙樂釋止觀第五曰莊周夢爲胡蝶翱翔百
年悟知非蝶亦非積歲
成玄英莊子疏曰莊子日月隱於郭象霧露
酉陽雜俎卷二曰太極真仙中莊周爲闡編郎
後村居士集卷二十八趙虛齋註莊子內篇序曰
廿一日於親友家得公所作逍遙遊解盡點舊註
其自成一家許多年在郭象雲霧中乃今彷彿見
蒙叟戶庭矣

天惠普說第一曰更念得莊子孟子茄子瓠子又
第三曰妙總禪師云曾見郭象註莊子識者曰
却是莊子註郭象

宋鄭昂傳燈錄跋曰傳燈錄本住湖州鐵觀音院
僧拱辰所撰書成將游京師投進途中與一僧
同舟因出示之一夕其僧負之而走及至都則
道原者已進而被賞矣此事與郭象竊向秀莊
子註同

性理大全十七西山真氏曰魏正始中何晏等祖
述老莊以清談相尚至晉此風益甚晏當立論

以天地萬物皆以無爲本由是士大夫皆以浮誕爲美裴頠著崇有論以釋其蔽然不能久也陳頴嘗遺王導書以老莊之俗傾惑朝廷今宜改張然後大業可舉導不能從一時名士如庾亮輩皆以清談爲風流之宗國子祭酒袁瓌嘗請立大學而士大夫習尚莊老儒術終不以振會稽王昱等又從而扇之雖謝安石之賢不免爲習俗所移終於晉亡而不能革至梁武帝好佛而太子又講莊老詹事何敬容嘆曰西晉尚浮虛使中原淪於胡羯今江東復爾江南其爲戎乎其後元帝好玄談於龍光殿講老子又曰自何晏王弼以老莊之書訓釋大易王衍葛玄競相慕效專事清談糟粕五經蔑棄本實風流波蕩晉遂以凶

東坡文集三十六莊子祠堂記曰莊子蒙人也嘗爲蒙漆園吏没千餘歲而蒙未有祀之者縣令秘書丞王兢始作祠堂求文以爲記謹按史記莊子與梁惠王齊宣王同時其學無所不闕然要本歸於老子之言故其著書十餘萬言大抵率寓言也作漁父盜跖箴以詆訾孔子之徒

以明老子之術此知莊子之粗者余以為莊子
蓋却孔子者要不可以為法耳楚公子微服出
亡而問者難之其僕操箠而罵曰隸也不力問
者出之事固有倒行而逆施者以僕為不愛公
子則不可以為事公子之法亦不可故莊子之
言皆實予而文不予陽擠而陰助之其正言益
無幾至於詆訾孔子未嘗不微見其意其論天
下道術自墨翟禽滑釐彭蒙慎到田駢關尹老
聃之徒以至於其身皆以為一家而孔子不與
其尊之也至矣然余嘗疑盜蹠漁父則若真詆

孔子者至於讓王說劍皆淺陋不入於道反復
觀之得其寓言之意終曰陽子居西遊於秦遇
老子老子曰而睢睢而盱盱而誰與居太白若
辱盛德若不足陽子居蹇然變容其往也舍者
將迎其家公執席妻執巾櫛舍者避席煬者避
竈其反也舍者與之爭席矣去其讓王說劍漁
父盜蹠四篇以合於列禦寇之篇曰列禦寇之
齊中道而反曰吾驚焉吾食於十漿而五漿先
餽然後悟而笑曰是固一章也莊子之言未終
而昧者歛之以入其言余不可以不辨凡分章

名篇皆出於世俗非莊子本意元豐元年十一月十九日記

夜中讀而文曰吾嘗謂吾余欲十卷而正其
又盜測四篇又論以四篇以之為曰四篇以
盜其又心命各與之華煎矣夫其難正焉
游遊其者公勝其美時時時各執其說
私盜亦甚不又謂子孫其亦其其出余
亦不矣子曰河海漸漸而深而漸與曰夫
身之其其其之意然曰子孫其其其其
其子其其其其其其其其其其其其其其

經籍志

莊子註者

向秀註莊子二十卷

司馬彪註莊子十六卷

崔譔註莊子十卷

郭象註莊子十卷

李頤註莊子三十卷

孟氏註莊子十八卷

楊上善註莊子十卷

盧藏用註莊子十二卷

文如海註莊子十卷

成玄英註莊子三十卷

張昭註莊子補十卷

呂惠卿註莊子十卷

王雱註莊子十卷

李頤莊子集解二十卷

王玄集解莊子二十卷

李軌莊子音一卷

徐邈莊子音三卷

郭象莊子音二卷

司馬彪莊子音一卷

莊子講疏三十卷 梁簡文帝

莊子講疏二卷 張機

莊子義疏三卷 宋李叔之

莊子義疏八卷 載訪

莊子義疏十卷 王穆

莊子義疏十二卷 成玄英

莊子內篇講疏八卷 周弘正

莊子文句義二十卷 陸德明

莊子古文正義十卷 馮庸

莊子論二卷 李充

莊子指要三十三篇 張九域

莊子論三十卷 梁曠

莊子內要一卷

南華真經篇目三篇

莊子章句音義十四卷 陳景元

莊子統略三卷

南華象罔說十卷 張游朝

南華通微十卷 元載

南華真經提綱一卷 王曉

莊子通真論三卷 唐賈參寥

莊子邈一卷

莊子口義三十三卷 林希逸

南華義海纂微一百六卷 褚伯秀

南華循本三十卷 羅勉道

南華副墨八卷 陸長庚

莊子通義十卷 朱得之

莊子內篇解二卷 李贄

南華內篇訂正二卷 吳澈

莊子三註 李東一

凡例

蘇詩

一莊子之言光洋適已而文章博古多用奇字庸齋作口義而少音註初學者惜之余今校唐陸德明音註以附本文下冀不誤音聲若有庸齋音註處不必贅陸氏

一口義所援諸書出處有偶誤者想夫庸齋博學宏才而諳註之者也余今有所校則是正以愚按吾輩窳啓寡聞亦復可有舛差願君子改正焉

一棧航所援之書

漢書

世說

郭象莊子註

妙樂釋止觀

成玄英莊子疏

劉後村集

大惠普說

宋鄭昂傳燈錄跋

性理大全

東坡文集

經籍志

史記

道南一脉

三國志

論語

韓文

東坡詩集

楊雄解嘲

莊子三註

禮記

孟子

朱子語類

名臣言行錄

晉書

馮海粟碧巖跋

尚書

二程全書

後漢書

金剛經

五燈會元

臨濟錄

韻會

宋史

詩經

杜工部集

盧藏用莊子註

左傳

陸德明莊子音義

李翰林集

南史

博物志

褚伯秀南華義海

法華經

文句

象山語錄

禪宗正宗

鷓冠子

傳燈錄

山谷外集

黑川月庵錄

正宗贊

唐詩紀事

大惠書

文選

楊子法言

陶淵明歸去來辭

涅槃經

圓覺經

周易

說文

排韻

容齋隨筆

宋學士集

列子

昇玄經

唐音遺響

黃氏日抄

國語

酉陽雜俎

事林廣記

左傳博議

淨土觀經

祖庭事苑

內丹秘要

通鑑綱目

朱子大全

楞嚴經

中庸

說苑

唐書

鶴林玉露

碧巖

丹鉛錄

淮南子

內經

老子經

文中子

普燈錄

帝王通曆

韻府

關尹子

太極圖說

賈誼鵬鳥賦

維摩經

焦氏筆乘

相如子虛賦

風俗通

參同契

黃庭內景玉經

法華科註

五雜俎

文子

閩書

小補韻會

玉篇

詩人玉屑

荀子

孔子家語

大學

楊升菴新語

事文類聚

萬姓統語

賈誼服賦

周禮

首楞嚴經

楚辭

續通鑑長編

山堂肆考

釋氏稽古略

禪林類聚

呂氏春秋

穀梁傳

王介甫虎圖行

僧寶傳

莊子翼註

爾雅

開元遺事

困學紀聞

溫公通鑑

山谷詩集

北史

本草綱目

陳后山詩集

人天眼目

莊子傳

史記曰莊子者蒙人也名周周嘗為蒙漆園吏與
 梁惠王齊宣王同時其學無所不闕然其要本歸
 於老子之言故其著書十餘萬言大抵率寓言也
 作漁父盜跖胠篋以詆訛孔子之徒以明老子之
 術畏累虛元桑子之屬皆空語無事實然善屬書
 離辭指事類情用剽剝儒墨雖當世宿學不能自
 解免也其言沈洋自恣以適已故自王公大人不
 能器之楚威王聞莊周賢使使厚幣迎之許以為
 相莊周笑謂楚使者曰千金重利卿相尊位也子

獨不見郊祭之犧牛乎養食之數歲衣以文繡以
入太廟當是之時雖欲爲孤豚豈可得乎子亟去
無汚我我寧游戲汚瀆之中自快無爲有國者所
羈小字終身不仕以快吾志焉

葉子初

艾軒傳

明黃文炤道南一脉十一云林光朝字謙之莆田
人聞吳中陸子靜得程門尹焞之學因往從游自
是專心踐履四方來學屢數百彌曰南夫子歸
莆以講于東井紅泉聞之陸學光朝其宗也平生
未嘗著書唯口授學者使之心通理解嘗曰道之
全體存乎太虛六經發明之矣若復多詮於道愈
遠龍興元年五十以進士及第調袁州司戶參軍
乾道三年龍大淵會覲以潛邸恩倖進臺諫給舍
論駁不行光朝與劉朔方以名儒薦對頗及一人

由是改知永福縣而大臣論薦不已召試館職為
 秘書省正字兼禮部郎官進國子司業兼太子侍
 讀史職如故是時張說用事遂出為廣西提點刑
 獄移廣東茶寇自荆湘剽江西薄嶺南鋒銳甚先
 生自將郡兵檄摧鋒統制路海鈐轄黃進控要害
 會督二將遮擊連敗之賊驚懼宵遁孝宗喜曰光
 朝儒生乃知兵耶加直寶謨閣召拜國子祭酒孝
 宗幸國子監命講中庸大稱善賜金紫不數月除
 中書舍人是時吏部郎謝廓然由曾覲薦除殿中
 侍御史命從中出光朝立封還詞頭孝宗度光朝

決不奉詔而輟先生老儒宿望在中書省未有建
 明或疑之及聞繳駁士論始服久之引疾去卒謚
 文節學者稱艾軒先生時相趙汝愚祭之有曰制
 行似黃憲當官如陽城誨人如王通又曰汝愚登
 第時先公無喜色後與莆人林光朝入館同舍先
 公聞之而後喜可知也公死莆紅泉東井之學湮
 矣朱子曰這道理易晦難明熹少年過莆見林
 謙之方次雲說一種道理說得精神極好聽為之
 踴躍鼓動退而思之忘寢與食者數時今再過則
 二公已死更無一人能繼其學矣王融陳叔盥受

詩於先生嘗與樂軒讀國風於古寺吟諷累夕俄
而至采蘋掩卷泣頰得中庸之旨叔盥喜以告綱
山綱山遂以樂軒見先生曰吾嘗語若詩不歌易
不畫無悟入處今於元潔猶信吾詩不亡矣福唐
一拂先生鄭俠以女妻艾軒俠直聲振天下其學
有源委嘗曰吾學以孔氏爲宗參之老釋而道益
明紅泉東井無一言闢佛職此之故與艾軒爲
祭酒車駕幸學命講中庸天下國家有九經所以
行之者一也曰一乃中庸孝宗嘉歎以爲深得中
庸之旨日用是根株言語文字是註脚陳寔

管寧元德秀資稟如許數百年中乃一見又却不
聞道此爲大可惜世間惟有榮辱毀譽所不到
處爲建德之國大凡舉措須要愛重責不得貨
自在豈可有此忙迫氣象耶此五十年布衣受用
不可不使伸蒼知之某幼歲聞李太白石曼卿之
爲人即踴躍道其事又初讀晉書見一樣人物如
寒蟬孤潔不入俗調此心甚樂之一日對方次雲
說古人如此終是不俗次雲云此數人在孔門恐
一日著脚不得某乃悟夫子之門爲人物準的千
載人物要入得此堂堂中乃爲無媿耳文王演

周易流而為卜筮之書箕子作洪範流而為災異
 五行之說嗚呼聖人之經何其不幸也夫八卦之
 文九疇之叙雖無文王無箕子而此理素定也天
 下由之而不自知耳聖人患其如是於是乎作書
 以示之學者之觀書也捨編簡而求之可也奈何
 源流一失迂儒曲士肆為異言天人之理不復見
 矣嗚呼學者之弊流毒至此則河圖洛書安得為
 帝王之嘉瑞也 按劉後村稱艾軒古文詞高遠
 迫檀弓穀梁平處猶與韓並驅諒哉而欲於集中
 聞所為與次雲說一種道理處又何微也豈文章

可傳性道竟不以語人耶福唐郭子長曰閩自龜
 山道南獨光朝可接羅李之傳惜時儒無深知者
 按此則楊陸原是一脉王信伯學不可考觀次雲
 知信伯矣艾軒不著書及其晚年東王舍人宜有
 云某亦欲集聚偶然所見處謂之六經章句須得
 十年定坐以畢此心然日過一月擾擾不暫息十
 年之期無乃大自寬耳今先生微言湮然豈為榆
 光所限耶抑其書竟零落人間耶噫

綱山傳

同第八云林亦之字學可號綱山福清人盛年挾

策游四方卒以不契去及將之莆紅泉謁林光朝齋宿與客語夜半聞息入而驚寢者以語光朝先生曰寢與人同夢乃自作遂大喜曰吾得師矣自此事之三十餘年光朝席下歲率百人莆劉朔爲福清賢令顯貴相望然言高第必亦之也光朝卒莆人推亦之詞講席紅泉之學一本躬行亦之戶外履幾半於師矣或勸其著書答之詩曰講學紅泉不著書只將心學授生徒趙汝愚帥閩辟入東井書堂待以賓友之禮上其學業辟于朝命未下卒所著論語考工記毛詩曾子解多門人所述唯

詩數卷及王融志其筆也莆中劉克莊稱亦之曰宋來詩第視經義有韻者耳艾軒始好詩深湛而加煅煉有累月經歲繕一章未就者亦之之文能似其師詩高妙絕類唐人律詩得少陵之髓疑老師當避其鋒他文稱是學者稱綱山先生一曰月魚先生景定間邑人司農少卿林希逸追舉其賢贈迪功郎學者私謚曰文介

樂軒傳

同第八云陳藻字元潔號樂軒福清人初從亦之于綱山又從于紅泉會讀國風于古寺吟諷累夕

俄至采蘋掩卷而泣頓得中庸之旨亦之遂以藻
見光朝光朝喜曰吾嘗語若詩不歌易不畫無悟
入處而今於是尤益信吾詩不亡矣乃授其拜而
接之若孫藻因爲通儒遂嗣亦之講席 劉後村
序樂軒集略曰樂軒七十五乃死年出於其師而
窮尤甚於其師城中無片瓦僑居福清縣之橫塘
開門授徒不足自給至讀其文講學明理浩平自
得不汲汲於希世求合螢窗雪案猶宗廟百官也
菜羹脫粟猶堂食萬錢也入則課妻子畊織勤生
務本有拾穗之歌焉出則與諸生弦誦登山臨水

有舞雩之詠焉自昔遺佚阨窮之士功名頓挫時
命齟齬往往有感時觸事之作以洩其無聊不平
之鳴若虞卿之愁韓非之憤墨翟之悲梁鴻之噫
唐衢之哭是已樂軒平生可愁可憤可悲可噫可
哭之時多矣而以樂自扁樂之爲義在孔門唯許
顏子先儒教人必令求顏氏之所樂嗚呼此固樂
軒之所聞於二師與樂軒歿二十餘年余從竹溪
林侯蕭翁傳抄遺藁姑叙其平生大致如此蕭翁
又樂軒之高弟也他日居魏文貞之地秉陳叔達
之筆當爲河汾先生立傳無使天下後世有遺恨云

竹溪傳

同第八云林希逸字肅翁號麴齋福清人事師陳藻藻之學出於林亦之亦之出於林光朝其授受遠有源委初爲平海軍節度推官以清白稱淳祐中遷秘書省正字因對乞信任給諫又乞登決大計以慰人望理宗皆閔納歷翰林學士兼崇正殿說書出知興化軍下車首詔學者自南渡後洛學中微朱張未起以經行倡東南使知聖賢心不在於訓詁者自莆南夫子始初疑漢儒不達性命洛學不好文辭使知性與天道不在文章外者自福

清兩夫子始學者不可不知信從也南夫子者林光朝兩夫子亦之藻也因爲二先生祠祀光朝亦之藻併毀其遺文以傳景定四年爲司農少卿舉亦之藻爲有道之士及林公遇幼承父澤奉親不仕並乞褒崇詔謚亦之文介藻文遠俱贈迪功郎公遇謚文隱進贈原官一級有司爲三人樹表書謚祀之學宮希逸初學詩於陳藻藻書劉克莊詩語之希逸少克莊七歲耳因定交才名相埒願時之評者謂希逸文有楷範而遠於理學優之克莊序希逸詩以宋自光朝三傳至希逸比之于師

稿而潤矣散而密矣嚴而紆矣搜索如象罔之求
珠斲削如巨靈之施鑿經緯如鮫人之織絹及其
得手應心也簡者如車魚小篆之古焉協者如韻
鈞廣樂之奏焉偶者如雌雄二劍之合焉文天祥
稱其不戚戚得喪而言語文章足以詔今傳後終
中書舍人所著有易講春秋正附篇老莊列口義
攷工記解竹溪十一稿按三山之學自福唐王信
伯而施盭官方次雲又一派從南夫子來者爲福
唐兩夫子陸學也質之羅李合脉紫陽晚年契心
其如至希逸無傳何此非余言郭萬程先生之言
也悠悠二四百年馬恭敏王雲竹諸公出兩夫子
之道復振子長不與恭敏蘭交乎惜乎蚤世不及
見其成也引證郭萬程曰自道學興詞命多鄙光
朝之門儘爲斐然且聞自楊氏道南獨光朝可接
羅李之宗惜時儒未深知者至希逸而亡傳矣

本朝故事

按續日本後紀仁明天皇承和十四年五月乙亥
 於清凉殿莊子竟宴先是帝受莊子於文章博
 士從五位上兼脩中守春澄宿禰善繩是日引
 善繩殿上殊酌恩杯行東脩之禮當代儒者共
 以為榮

南朝之時有右大將長親花山庶流也號畊雲老
 人又曰明魏在南朝講周禮儀禮南禪寺僧巖
 惟肖就明魏學郭象註其後惟肖得希逸口義
 以是為講

希逸號庸齋本朝近代講者曰庸鼎也老莊列
猶三足鼎又比之儒釋道非希逸之意林德經
後序庸其書室也子彌弓齋父子以器名齋

朱文公意

玄英序曰子休師長桑子云

李伯陽

關令尹喜

長桑公子

子休

韓子意

文宣王

西河子夏

田子方

艾軒

林光朝字謙之莆田人

綱山

林亦之字學可福清人

樂軒

陳藻字元潔福清人

竹溪

林希逸字肅翁福清人

